

本书出版得到国家古籍整理出版专项经费资助

# 清代吏治史料

线装书局

官員管理史料 二四

# 清代吏治史料

綫裝書局



吏部尚書署理湖北總督印務仍帶理湖北巡撫印務俾傳敏謹

題為揭報虧空事該臣看汀州縣存倉各案穀麥例應加謹收貯以備災荒其驛站馬匹亦宜照例應加謹收貯以備差遣均難擅動虧缺前據德安府知府蔣景濂詳揭云夢縣知縣詹乾齡擅糶留易漕穀石并虧社倉穀麥缺少驛站馬匹等情經臣批行布政使會同糧儲道嚴查確數并將從前狗庇搜結之上司一并詳參去後今據湖北武昌布政使黃焜會同糧儲道張廷樞並驛道柳國勳詳稱查明云夢縣原報官民共捐社倉穀三千六百零內已報實貯穀麥一千六百二十九石零今實貯在五百七十五石零共虧缺穀麥二千四百三十五石零又違例擅糶截留漕米易穀六百六石零並無價銀起解又缺少驛馬一十五匹區內係虧空開列該縣知縣詹乾齡職名詳請參革究追并

稱安德府知府蔣景濂查出虧該令虧空即行揭參與出結  
之後無論几時查出虧立即報參之例相符其從前出結之  
處應邀免開取各等情前來除批令查明是侵是即及此  
外有無別項未清另報外相應據詳

題參請

旨將云夢縣知縣詹乾齡革職以便審究追補臣謹

題請

旨雍正五年七月二十日旨題八月十二日奉

旨這所參詹乾齡著以革職其虧空倉穀等項情由該督嚴審  
了追擬具奏該部知道

署理江南總督印務正藍旗漢軍都統加二級降一級由任臣范琳繹謹  
題為特叅文武不職之員等事該臣看得副軍一官有統率全營之責  
必有預約束知方體恤有法乃可董率備弁安靖地方今副將吳王政  
身任中軍要職係澹營親標乃于澹臣押運北上率領營務以致  
聚眾嚷鬧為五交甲溺職已極所有控馭乖方之澹標中軍副將吳  
王政相應指叅請

旨革職究審以肅軍紀再查山陽縣知縣吳瑛係專任地方之員坐視玩  
忽始而任其嚷鬧繼而任其駕舡遠出且眾兵詣縣交甲更不應任  
其交卸取財退堂膜視地方均為溺職正在附疏

題叅間又據江寧按察使徐琳詳報該縣庸愚畏懦有乖職守實難  
姑容弁因請叅前來理合一併

題叅請

旨革職臣謹具

題請

旨雍正五年七月十五日題八月十二日奉

旨這所叅吳王政着革職拿問交典範時鐸嚴審定擬具奏已有旨了  
    羅珮自為地方官乃將兵丁不法之事視為膜外且任其交甲收賄  
    堂似此姑容長奸甚屬可惡着革職交部叅罪

護理山西巡撫印務布政司 臣高成齡謹

題為奉指事該臣看詳臨晉縣申報千戶營道旁被傷无無名死屍一  
案經前撫臣德明批行按察使勤緝兇犯務獲詳報去後茲據按  
察使許洞呈稱千戶營路无帶傷無名身死責差訪緝正兇經  
今尚未拿獲仇凶難以懸定將承查遲延之臨晉縣知縣孫琰成各  
遵例開報前來相應

題奏謹

題請

首雍正五年七月二十四日題八月十二日奉

旨孫琰著議處具奏該部知道

太子少傅兵部尚書都察院右副都御史提督福建浙江等處地方軍務兼

理糧餉世襲拜他刺布勒哈齊臣高其倬謹

題為特奏虧空事切查各局倉儲等項臣飭委分行照查據閩縣

知縣于沛稟報盤得該縣所有銀穀盤少監積等穀共四

百七十二石零盤少徵完漕稅銀二百一十五兩零徵完四年分季租銀五

十一兩零雜出浙穀價銀五百八十八兩頭係虧空又據布政使沈廷

止喬季月報儲道副使李玉鉉署福州府事建寧府知府莊

全翼各揭振前來臣謹

題恭請

旨將長樂縣知縣熊男良革職戾審追擬以謹錢糧臣謹會

題請

旨雍正五年七月初七日題八月十二日奉



旨闕省虧空甚多從前高其倬等並不查叅及聞朕特差楊文乾  
乾等前往盤查不料難隱匿始陸續題叅甚屬無恥這所叅熊男  
良著革職其虧生銀穀等項情由交與楊文乾常賚一并核審寬  
追擬具奏該部知道

署理福建巡撫印務福建等處承宣布政使駐劄福州府沈

廷止謹

題為據詳指參事該臣看詳各局存倉穀石關係積儲民食顆粒  
 難容虛懸今據布政使沈廷正詳泉州府知府張無咎檄將泉  
 防所倉流交價銀未買穀石一萬一千一百三十三石零又雍正三年所倉  
 碾給金門兵米共未買穀九千六百一十八石零俱據該府陸續振買  
 米穀補倉出倉實貯保結不期所具之結盡屬海市塵樓既無實  
 貯復敢私囑署同知李暉通同捏出倉收至李暉相率干效尤  
 故將本年春季應給金門兵米二千五十餘石零擅將運厦平糶浙  
 米抵給捏作倉穀碾米放給雖經自行檢奏則通同舞弊之外亦所  
 難辭將各賊名振參前來所有泉州府知府張無咎原署泉州府  
 同知事汀州府同知李暉相應

題奏請

旨革職以便疾行審擬謹

題請

旨雍正五年七月初七日題八月十二日奉

旨這所叅張無名李暉俱著革職其產懸念穀通同作弊情由交與楊文乾常賚一併嚴審進擬具奏該部知道

護理山西巡撫印務布政使 臣高成齡謹

題為題奏虧空事該臣看得陳時虧空一案緣前任秦華知州楊書

先將民欠誤揭虧空繼又捏為耗羨經臣署理能督同任內審係實

欠在民取具民欠其結送部具

題部要令將從前不行詳查之上司各官

題參經撫臣德明以誤揭虧空及捏為耗羨果係屬實已經別案革職除

遣其轉詳具

題之各上司咨部免參部要不便據奏請令將從前不行詳查

題參等因行據布政司高成齡詳稱查此案案係楊書將民欠誤

揭虧空不行查明轉詳之上司係前任布政使全陞河南巡撫田文

鏡其揭楊書將民欠審作耗羨不行分晰明白違為轉報後送

駁查出改正轉詳之上司係布政使高成齡等情開具職名列

臣復查原將民欠揭報虧空不行分晰明白據詳具

題條前任撫臣諾岷其將民欠審作耗羨不行分晰明白據詳具

題條前署撫臣伊都立相應一并開具職名

題查再前任項民欠揭作虧空共銀二千六百三十二兩零已經照數徵  
完解交司庫收補陳時虧空訖是此項民欠俱經全完合并聲

明謹

題請

旨雍正五年七月二十四日題八月十二日奉

旨該部察議具奏

署理廣西巡撫印務都察院左副都御史 臣甘汝來謹

題為特參貪劣不職之縣令以肅官方事切查知縣一官有刑名錢

穀之責必須矢清矢慎方可無忝厥成乃有柳州府懷遠縣知

縣徐佛者居心貪黷行事乖張如州縣每年奉報者農荷邊

皇上隆恩曠典給以項帶榮身京欲使其力身服田力穡鼓舞農民盡

力耕作並不許令干預外事乃該官以所奉老農李治邦視為心

腹輒令出入衙門幹必私事遇有人命重案並不親身往聽止差老

農李治邦與募友王琅書必陳士科同往看聽并令從中講和

任意妄行又里民借領常平倉穀秋收分別豐歉取息歸入社

倉原為青黃不接農民乏倉舍之故為地方官者自應仰體

皇仁公平出入庫使窮民得沾實惠乃該官于本年俸月發借之事

每石先扣二斗止發八斗勒為一石領狀本年借出二千餘石共

扣穀四百餘石以致窮民怨聲載道似此貪劣不職之員實<sub>一</sub>  
日姑容處司道府各揭報前來與臣訪聞無異所當特疏糾  
奏請

旨將徐偉革職以便與本內有各<sub>人犯</sub>一并嚴審究擬者也謹  
題請

旨雍正五年七月十一日題八月十二日奉

旨這所奏徐偉著革職其貪劣等情及本內有各人犯該撫一併  
審究擬具奏該部知道

太子大傳內閣兼吏部行走三級臣朱軾等謹

題為監犯越獄事該臣等議河南總督田文鏡疏稱內鄉縣李江係鄉民

所誘行乞相遇將其母兄打走并將伊槍奪之正犯前因隔有

移查親屬要質註審未經到案以人之日扣限審擬斬決監禁待質

于雍正五年二月二十三日夜乘禁卒睡熟開鎖生罪監牆挖孔脫逃

將疎防內鄉縣典史周尚等指參再李江一犯監禁三年據陝西華

州將李江之弟李如海移解質審該縣知縣萬瑄並不再加研訊知氏

母兄確實任趾詳請咨提以致質訊无期久懸不結越獄脫逃殊屬怠

玩相應題參等因前來者定例流徒軍管杖等犯越獄該管有獄各官

任俸載罪勒限一年督緝該管知府有二案者罰俸六個月又定例

官員將易結之事遲延不結者革職革等語除疎防之內鄉縣典史

周尚已經休致毋庸議外應將內鄉縣知縣萬瑄照例任俸載罪勒



限一年督緝但該督既稱李江一犯監禁三年陝西華州將李江之弟  
李如海移解偵審該縣並不再加戾訊鄭氏母兄確實住址詳請咨提以  
致久懸不結越獄逃殊屬怠玩等語應將內鄉縣知縣萬瑄照易結  
不結例革職疎防越獄該管之南陽府知府何煜照例罰俸六個月查  
何煜有紀錄二次應銷去紀錄一次免其罰俸恭候

命下 臣部遵奉施行謹

題請

旨雍正五年八月十一日題十四日奉

旨依議